



наведи телефон

Лүимә СЭрипос


11.08.2022
№ 15 (1273)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru


Мәхманув щай лүпта атуңкв минэгыт



Е. Фризаергер вәрүм хури

Ты хурит Саранпавылт өлнэ мәньщи мәхманув хәпыл миннэныл порат пöслувёсыт, тән щай атуңкв минэгыт. Ты урыл 5 лөпсыт ловиньтэн.

Ты номерт ловиньтэн:	Супыгхүлквет ян таратавёсыт ▶ 2	Мәньщи нэ вәрнэ рупататэ мәгсыл янытлавес ▶ 4	Лёккарыт мәнь павлың мир уральтасыт ▶ 6
Султум ▶ 7-11	Хөталныл постын най вәри ▶ 12	Төрүм нөңхаль сәйкалы ▶ 15	Вөрт яныгмам мәньлат нэ ▶ 16



Супыгхұлкет



Н. Комарова супыгхұлыт ян тәраты

Супыгхұлкет ян тәратавёсыт

Юи-бвыл тәлытт округут супыг, мохсаң, үсхул ос мөт хұлыт янанувт мощщаманкве патсыт. Тымәгыс 2019 тәлныл ты хұлыт сәвмалтаңкве бвылтавёсыт.

Югра янытыл ятт ос тұрытт налыман арыгкем сәвсыр хурип хұлыт уиغتәгыт. Тән халанылт сәв ёмас ос атың хұл блы. Щар мак тының хұлыг супыг хұл ләваве. Тав округут блнә Ас ят уигты. Ань ты хұл щар мощщга ёмтыс.

Супыгхұл ювле хуль-тум нот оигпам порат «Выгыр нәпакн» («Красная книга») хасвес. Тымәгыс 2018 тәлт кұщаянуп яныг сапрәни вәрыгласыт. Тот ты хұл элаль янмалтан урыл потыртахтасыт. Ань ма-вит тармыл рүпитан предприятият ёмас хұлыт сәвмалтан магыс ос нёт-мил вәруңкве ләввёсыт.

Округ мирколт рүпитан кұщайт «ЛУКОЙЛ», «Газпром нефть», «Русс-Нефть», «Роснефть», «Сургутнефтегаз» ос «Славнефть-Мегион-нефтегаз» нампә ма-вөй мәныл нөх-винә компаният ёт соглаше-

ние-нәпак хассыт.

Ойттур этпос вәт нупыл бвыл хөталәт Ханты-Мансийск үс ляпат Иртыш ян яныгсәт налыман сөтыра сәвит мәнь супыг хұлкет тәратавёсыт. Ты вәрмәль ма-вит үргалан тәла хосыт элаль тотаве.

Округ кұщай нә **Наталья Комарова** ос нәлми вәтан ёхталас. Тав акв вётра сәвит мәнь супыгхұлкет ян тәратас ос ты тәла урыл тох ләвыс:

– Супыгхұл ят сака мощщә хультыс. Округут блнә хум Мидхат Хасанов



щар бвләт тав ты хұлыт янмалтаңкве номылматас. Тувыл мән ты хұл сәвмалтан магыс программа хассүв. Ань мәнавн ты тәла щирыл ма-вөй мәныл нөх-винә махум нётмил вәрёгыт.

Кәсың тәлныл сәвнуп мәнь хұл ян тәртэв. Яныгсәт мәнь хұлкетыт туп налыманкем сәвит элаль яныгмёгыт, мөтаныт сортытн манос мөт яныг хұлытн юв-тәвет. Акв тәл сыс ловманкем млн сәвит супыгхұл ян тәртуңкве патэв. Ты хосыт лов тәл сыс ят эрнә сәвит хұл ёмты тах.

Нижнеобский мәт хұл алыщлан вәрмәль щирыл кұщайг рүпитан хум **Иван Матаев** ләвыс:

– Ань супыгхұл пувуң-

кве щар нәмхотыют ат тәртаве. Ты хұл алыщлан хотты хөтпа пуваве ке, тав тәра сутн миве, тымәгыс элумхөлас турманколн үнттуңкве вөрмаве.

Ань туп хұл янмалтан предприятият тән супыгхұл янмалтанэныл магыс алыщлаңкве вөрмёгыт. Хұл үргалан хөтпат полиция махум ёт ят уральтым яласэгыт, ты хөтал мус сәв махум пувсаныл. Сәв хөтпа уголовный тәла хосыт сутытавёсыт. Махумаквет, та яныт ёмас вәрён, супыгхұл ул пувён!

Тының хұлыт янмалтан магыс «Югорский рыбо-водный завод» ос «Абалакский экспериментальный рыбо-разводный завод» рүпитэг. Бвләт акв тәл сыс акв млн сәвит супыгхұл ян тәртуңкве ёмталасыт. Ёты-бвылт ань ты тәл мус пуссын аквьёт аквхуйплов млн атсәт сөтыра сәвит хұл округ ятын тәртвес. Хұл үргалан кұщайт ләвнэныл щирыл, ювле хультум кит тәлыг сыс супыг Ас ос Иртыш ягт ләщәл-ләщәл сәвмуңкве патыс.

Николай МЕРОВ

Мәһһлат хөтпәт акван-атһглавёсыт

Вөртүр этпос 1 шислат яныг
яһһтлан хөтәл Уральский регион
мә яһһтыл өһнэ мәһһлат хөтпәт мәгыс
«Утро - 2022» һәмпа комьюнити-
форум Ханты-Мансийск үст пүсвес. Тав
рущ ләтһһыл «Утро – 2022» һәмаялвес.
Вөртүр этпос 10 хөтәл мус өһһыс.



Яһһыг пәкв

Пуһһкөтнэ үсувн
Россия 53 сәвсыр мәһһыл
спикерһт, организаторһт
ос волонтерһт өхтәласыт,
ос 14 мөт хөһ мә мәхману-
в тыт өс һөһһыт. Сәвһһ-
пәлә пуссын мәһһлат мә-
хум тәһһкә проектанһл өт
өхтәласыт. Тәһһ хәланһл
Донбасс мәһһыл мәһһлат
хөтпәт өс өһһыт.

Өвһһ хөтәлт УрФО мәт
Россия Президент вәһһын
хум Владимир Якушев
тамле ләтһһ тәһһанһл
ләвһһ: «Тыһһ румақвет!
Ам сака сөтһһыг өлэгум
ос һән өтһһ пащалахтә-
гум, хөтһһт форум «Утро
– 2022» һәмпа сапрәһһн
өхтһһ. Мәтһһемәс мәхману-
в акван-атхатасыт!
Хәһһшәхтәһһыт, сәв өмәс
вәһһмәль тах вәһһөһт,
хәланһл юрщхәтәһһыт,
сәв рума тах хөһтәһһыт.

Ты сапрәһһн – сака өһһнэ
вәһһмәль, сәв мәһһлат

хөтпәт тәһһкә проектанһл
өт эләл вөс рүпитәһһыт
ос өмәс вәһһмәль вөс
вәһһөһт. Нәһһ пуссын мәһһ
мәһһу вәһһыс өһһнэ рүпәтә
вәһһөһн. Сәв пөсһһ лөһһ
вөс өһһ, хөт проектһт
өт эләл һһнуһквә рөвһ.
Мәһһавн һәнәһһ һөтүһквә
эри. Мәһһлат хөтпәт сәв-
сыр мәһһыл өхтһһыт, Лу-
ганский ос Донецкий на-
родный республикаһһыл
мәһһлат хөтпәт өхтһһыт,
мәһһ тәһһ өтанһл пащалах-
тәв. Ятһл мәхману, ты
форум «Археопарк»
һәмпа мәт һһһыт. Ты сака
һөһтнэ мә. Таһһмәһһыс ам
форум вәһһрум мәхумн,
Югра округ һһрқолн ос
Росмолодёжь һәмпа колн
яһһыг пүмәщһпа ләтһһ
ләвөһум. Нәһһ сака яһһыг
рүпәтә вәһһһын. Мәһһлат
хөтпәт мәһһыс ләвөһум –
сәв өмәс вәһһмәль вәһһн,
йһһлпһ тәләт эләл вөтөһ.
Өмәс һөһтһл өлөһ, һһһнэ
лөһһхһһ пөсһһыг вөс өһһ.

Ос сәв өмәс ләтһһ
мәһһлат хөтпәт мәһһыс
округ күщәй һә Наталья
Комарова ләвһһ: «Пащә
өһһн, тыһһыг мәхману,
хөтһһт «Утро» яһһтлан
хөтәлһт порат мәһһ пәлтув
өхтһһ! Ты форумн сәвсыр
мәһһыл ос 14 мөт хөһ
мә мәхману в өхтһһыт.
Ам сака сөтһһыг өлэгум,
Россия өһһнэ сәв һһдерһт
ос мәһһлат мәхману в
мәһһ пәлтув тыг өхтүһквә
вөһһһыт. «Археопарк»
һәмпа мәт, хөт форум өһһ,
кәсһһ хөтәл вөртүр этпос



Мәһһлат әһһт-пөһһыт

10 шислатә мус һән сәв-
сыр мәт акван-атхәтәһһ-
лаһквә ос рүпитәһһквә
пәтәһһн. өмәс вәһһмәль
мәһһ Юграв мәһһыс вәһһн!
Кәсһһ әлпһл сака пөсһһ-
һыг вөс пәтһһ.

Өвһһ хөтәлт этһпәләг
«Dabro» гуппә ос эргһн
һә Әлка сәв өмәс эргһт
«Юность», «На часах
ноль-ноль», «Прованс»
эргһһыт. Та хөтәл Ханты-
Мансийск үст «Археопарк»
һәмпа мәһһ 12 сөтһ-
ракем элмөһләс өхтәләс.

Мөһтһ хөтәл ос «Хәһт-
һүт эрыг» һәмпа эргһн-
йһквнэ мәхум эргһһыт –
Игорь Сиренко, Самуэль
Баллар ос Юлия Яркһна.
Тәһһ өтанһл «Лыһһ сөһм»
колн ялантан әһһт йһкв-
һыт. Тәһһ һүпһланһл сун-
һүһкв сака пүмөщ өһһыс.

Вөртүр этпос 2 шислат
«Археопарк» мәт мәхә-
рыт пөхәт форум кәстһл

яһһыг пәкв түщтүвөс, тав
«Книга рекордов России»
һәмпа һәпәкн хәсвөс.

Лөв хөтәл сһ сәвсыр
мәт, рущ ләтһһыл «дис-
куссияонный площадкаг»
ләвәвет, өхтәләм хөтпәт
проект-һәпәкыт хәһһсү-
квә хәһһшәвөһһыт. Тәһһ
өтанһл УрФО мәт Россия
Президент вәһһын хум
Борис Кириллов, округ
күщәй вәһһын хум Алексей
Шипилов, Свердловский
область күщәй вәһһын
хум Павел Креков, Феде-
ральный агентство по
делам молодежи пәһһыл
күщәй вәһһын хум Дамир
Фәттахов ос президент-
ский грантһл һһһнэ Фонд
колнһл күщәй хум Антон
Долгов акван-хөһтхәтәһһ-
ләһыт, тәһһанһл сәвсыр
вәһһмәлит урыл пөтһ-
тәһһыт.

Оксана АЛБИНА

Мәньщи нэ вәрнэ рупататэ мәгсыл янытлавес



Кўщай нэ Е. Шумакова потырты



Янытлым мәхум

Молты тал пәсныл Россият блнэ мир «Мы вместе» нампә премиял касыл щырыл мивет. Мәхум сәв эрнэ рупата ке вәрэгыт, нусаг блнэ щәмьят, савалап няврамыт, агмың-мосың хөтпатн ке нётэгыт ос мот ёмас тэлат мирн ке тотэгыт, ты премия-олныт тәставет.

Ойттур этпос 21 хөталэт мән округут нөх-патум хөтпат Ханты-Мансийск үст янытлавёсыт ос диплом-нэпакыл майвёсыт. Кәсың кәсащан элум-хөлас такви вәрүм рупататэ урыл хансуңкве ос нэпаканэ касылн кетуңкве вөрмыс. Жюри-хөтпат ойттур этпос 4-9 хөталыт

сыс ты проектт ёмашакв ловиньтасаныл ос нөх-патум мәхум пёриясыт.

Тәнаныл янытлаңкве общественный связь ос мәньлат хөтпат щырыл рупитан департамент кўщай нэ **Елена Шумакова** ёхталас, тав ләвыс:

– Нән пуссын сәв

эрнэ рупата вәрегын, мәхумн нётэгын. Мән ты касыл хунь вәрыслүв, тәра ләвсүв, округут нөх-патум хөтпат грант-олныл тах тәстыянүв. Таквсы порат округ яныг кўщай нэ пәлныл сәв ёмас тэлат вәрнэ мәхум олн-нётмилыл касыл щырыл тах мивет. Мән ты касылт «Мы вместе» йильпи номинация вәрсүв. Ань нөх-патум хөтпат эрнэ рупата вәрнэныл мәгсыл олныл тонт тах ос тәставет.

Та хөталэт 70 элумхөласыт янытлаңкве вөвыглавёсыт. Тән халаныл Майя Ефимовна Макарова, такви бпарищ наме Шесталова, блыс.

Мәньщи нэ Ас-угорский мирыт щәнь ләтңаныл элаль тотнэ центрыт кўщаиг блы ос «Төрүм Маа» музейт рупиты. Тав «Полёт стерха» нампә проект мәгсыл бвыл местал майвес. Майя Ефимовна музейт рупитан мәхум ёт округ янытыл яласас ос Юван Шесталов 85 тәлэ төвлүм кас-тыл суссылтапыт щёпитәлыс.

Ты выставка тән Хәль-үсн, Восыңтүр пәвылн, Лангепас үсн, Мегион үсн ос Кондинский пәвылн тотыгласыт. Таквсы Нижневартовск үсн минуңкве щёпитахтэгыт.

Майя Макарова рупататэ урыл таи ләвыс:

– Округут блнэ мәхманув мәньщи поэтув Ю. Шесталов урыл вос вәгыт, хансум нэпаканэ вос ловиньтэгыт, яныг-пөль этпос 22 хөталныл ос лүпта этпос 22 хөталэ мус мән суссылтапыт щёпитасанүв.

Округ янытыл яласым, мәхум китыгласанүв, мәньщи поэтув урыл тән вәгыт ман ати, тав хансум нэпаканэ ловиньтэгыт ман ати. Суссылтапн сәв няврамыт ёхталасыт, тән Юван Шесталов урыл щар нэматыр ат вәгыт. Тымәгсыл ты рупата элаль тах вәрилүв, ос округ янытыл суссылтапыт аква щёпитаңкве ос мәньщи поэтув урыл потыртаңкве тах патэв.



Майя Макарова

Людмила ТЕТКИНА

www.khanty-yasang.ru

Маньщи щай Саранпавылт атаве



Макар Сайнахов

Саранпавылт ловмантем тал община рупиты, маньщи латңыл тох лававе – «Эрупса». Община кўщаиг Евгения Валерьевна Вьюткина олы. Тав ётэ рупитан хотпат 2014 тал пәсныл тох рупитаңкв овылтахтасыт. Тән маньщи щай лўптат атэгыт, ёмашакв тослыяныл, тувыл щай таврииг вәрияныл.

Ты щай лўптат тән Саквья, Мәнья, Сукырья вата хосыт атэгыт. Тот сав пумкан олы. Ань юи-оывл

талытт павлың маҳум уйхул юн ат оныңегыт. Пумканыт нас лап та яныгмавет. Тот ты сав

щай лўпта атаве.

Ты тув порат тән тит щёс павлың маҳум щай атункве вөрн тотыгласаныл. Овыл щёс ты нэкет ялсыт – Матрена Прокопьевна Сайнахова, Валентина Романовна Хозумова, Татьяна Владимировна Хатанзеева, Мария Васильевна Фризоргер, Нина Дмитриевна Хатанзеева. Тән пуссын мащтырлан колнакн ялантэгыт, тот юнхатэгыт. Ань ос маньщи щай лўптат атуңкв нётсыт.

Тән ётаныл маньщи хумквет олсыт – Петр Константинович Анямов, Владимир Савельевич Меров, Максим Андреевич Анямов, Валерий Константинович Сайнахов. Щар мәниг Макар Сайнахов Егор апицитэнтыл тот олсыг. Макар пыгрищакве сат талэ товлыс, ты тал школан мины. Тав яныг хотпат ёт ос ёмашакв рупитас, сав щай лўпта атыс.

Ты рупитам маньщи нэкет потырталэгыт,

тән мәниг олманыл порат оманыл-атяныл ёт пум вәрнэ мән ёт-тотыглавёсыт. Тонт тән ты лўптаң щай айсыт. Титыт щёс тән ос «Иван-чай» нампа лўпта атсыт. Тит хәпыл сав хотпа ялсыт. Щай лўптат атум касың хотпа тамле щайл ань ёт-майвес.

Юв ёхтуманыл юипалт ты лўптат касыңаныл тув-пёравет. Елена Владимировна потыртас, тән щай вәрнэ магыс савсыр эрнэ уг, оборудование ёвтсыт. Ты утыл ёмас щай вәруңкв рөви.

Ты лўптат хунь ёмашакв пёрыгтавет, тән аквтопмат хот-сакуңкв овылтахтэгыт. Матах хотал тох хуёгыт, ос хунь пораныл ёхты, тән татем атың атыл пасматэгыт, аквтопмат маг атыл пасы.

Ты ат нэглин юипалт щай лўптат ёмашакв тославет. Ос тувыл тән сэмлыг ёмтэгыт ос мән таврииг сакватавет. Тослым щай нэпакныл вәрим хурыгсов тиврын пинаве ос тох элалы тыналаве. Това порат маҳум ты щай элы мат олнэ усныл ёвтуңкв кәсащёгыт. Това порат щай хургын иныгив пиланэ пинавет. Тонт щай атыңнувёг ёмты.

Тамле ты ёмас рупата Саранпавылт олнэ мәнлат хотпат вәрёгыт. Тән вәрнэ рупатаныл аквтох элалы ёмашакв вос мины, сав маньщи щай вос атэгыт, сав олн вос сёлэгыт.



М.П. Сайнахова



Н.Д. Хатанзеева

Елена Фризоргер
хансум потре
маньщи латңыг
Валентина

ХОЗУМОВА хансытэ

Ты агм боста нэглыс

Юи-бывыл этпост савнун махум коронавирус агмыл боста ёмтэгыт. Ойттур этпос оигпан элы-палт ман округут ты агмыл ёмтум 73 элумхблас пўльницан пинвёсыт.

Ты урыл ос сав мот тарвитың вармалит урыл мир пусмалтан департамент кўщай хум Алексей Добровольский ляххал тотнэ хотпат элы-палт потыртас.

Яныглеккар хум лавыс:
– Касың хоталныл ман округут савнун махум коронавирус агмыл ёмтэгыт. Сав хотпат юн пусмалтахтэгыт, ань мощца элумхблас пўльницан пинавэг.

Округут рўпитан сат пўльницатт ты агмыл ёмтум хотпат пусмалтавет. Таи ёмас, ань сав махум прививкал вярвёсыт, тиймагсыл тара сав мир ат агмалтахтэгыт.


Яныгпала хотпат, савсыр агм бщнэ махум ты прививкал хот этпос сыс тўштуңкве эрэгыт. Ты укол вярум хотпат агмыл ке ёмтэгыт, сака ат агмалтахтэгыт, тэрпи тананылн ёмашакв нёты. Пўльни-

цан ань прививка ат ат вярум хотпат ватихалнун пинавет, товат тай сака хоса пусмалтахтэгыт.

Юи-бывыл этпосыт ты агм йильпииг ёмтыс, мот «штамм» нэглыс, тиймагсыл прививка вярүңкве ань эри. Ос грипп-агмыл ул вос хәхтавён, таквсы тэрпи тўштуңкве ялэн. Ты уколыг аквторыг вярүңкве ат эри.

Кўщай хум лавме щирыл, ойттур этпост округувн йильпи тэрпи тотвес, тав нёлн тара таве. Тамле тэрпил махум мощёрт вярүңкве ты бовылтавет.

Алексей Альбертович элаль ос тох лавыс, тыт



блнэ мир хоты вакцина тўштуңкве кәсащегыт, таил та вяравет. Ты элы-палт тыг «Спутник V» туп тотыглавес, ань мот тэрпи ос сав блы.

Людмила ТЕТКИНА

Лёккарыт мань павлың мир уральтасыт

Ман округут «Центр профессиональной патологии» нампа пўльница блы. Тот рўпитан лёккарыт ўсытт ос павлытт блнэ мир уральтым ос пусмалтым машинал тэлы лёңхыл яласэгыт. Тан ань бовылтам рўпатаныл астылысаныл.

Та пўльница кўщай хум Николай Ташланов ты лёккарыт рўпатаныл урыл потыртас. Тав лавыс:

– Касың туи округ янанув хосыт мир пусмалтым «Николай Пирогов» нампа нәиңхап лёккарың тагыл яласы. Тан мань павлың мат блнэ махум уральтияныл ос пусмалтияныл.

Ань ты тал бовылтахтам пәсныл лёккарыт машинал лёңхыт хосыт элн ўнлын павлыт палт яласаңкве патсыт. Тиймагыс «Камаз» нампа ат машина оньщев, тан

пуссын ищхйпың утыл тастым блэгыт.

Ты лёккарыт кит бригада щирыл рўпитэгыт. Ань хўрум этпос рўпитам лёккарыт юв ёхтысыт. Ханты-Мансийск ўст машинат ос мир пусмалтан ищхйпың утыт ёмшакв хот-щёпитавет ос мот лёккарыт павлытн тах минэгыт.

Машина тармыл рўпитан това лёккарыт ань нәиңхәпыл мир пусмалтым яласаңкве элаль минэгыт. Нәиңхәпт рўпитам това лёккарыт ос пәгквалэгыт, тан ўшлахтын

пораныл ёхтыс. Машинал яласан това лёккарыт ос ўшлахтуңкве юн хулытэгыт. Тан пентсыланыл мотаныт минэгыт тах. Тох тан халанылт пентхатэгыт.

Лёккар кўщай лавме щирыл, тан Кондинский, Октябрьский, Ханты-Мансийский, Нижневартовский ос Сургутский районитт хотхуйплов павлың ман ялсыт. Тот пуссын аквьёт онтоловхуйплов сётыра савит элумхблас блы.

Хўрум этпос сыс лёккарыт палт сав элумхблас уральтахтуңкве ос пусмалтахтуңкве ёхта-лас. Машинат махум анализыт мисыт, алпияныл янытэт уральтавёсыт ос хўлтнэ ләтңыл лаввёсыт.

Лёккарыт лавманыл щирыл, тан тэлы порат савнун хотпат уральтаң-

кве алымёгыт. Ань ты накт това яныг хотпат ос нәврамыт ўшлахтуңкве эл миныгласыт. Сосса махум ос танки вөр мананылн ләкква-миныгласыт. Туи порат павлытт мощца элумхблас хулыты.

Ань юи-бывыл тәлытт сав хотпа пувласпи-агмыл ёмтэгыт. Ты тәла щирыл махум ань акваг уральтавет. Ты тарвит агм лёккарытн тара осн-паттаве ке, хотпа пусмалтаңкве иң рөви, ос агм хосан ювле хулыты ке, пусмалтаңкве ат вёрмаве.

Сав хотпа ты паттат хотталы ты щалтэгыт. Ань ты порат атпан нупыл хот хотпа пувласпи-агм ошнэныл щирыл тарапаттувёсыт. Тан пуссын округ пўльницан кетвёсыт, тот ты агманыл хосыт тан элаль ёмшакв уральтавет тах.

Мир пусмалтан округ департамент колныл кётым ляххал маньщи ләтңыг
Николай МЕРОВ
толмашластэ



Султум

Искорка

Хүрумпавыл урыл

Саранпавылныл ләңхаль тамле мән павылкве блы – ты Хүрумпавыл. Хуньт та ты павылт сәв мир блыс. Ты павылт ам яныг анёквам Анямова Дарья Степановна блыс. Тав сәсныл сәвсыр пормасыт юнтыс: сөвтыт, пайпыт, няврамыт мағыс апат ос мот сәвсыр пормасыт. Ос тав сахит, вәит, пуркат, мольщаныт юнтыс.

Хүрумпавылт пўльница блыс. Ам яныг анёквам тот рўпитас. Яныг ащбйкам Хозумов Абрам Родионович бакенщикыг рўпитас, тав ос йив хәпыт, тўпыт мащтырлаңкве хәсыс.

Павлут ләпка блыс, ләпкаң хумыг Вадичупов Владимир Дорофеевич рўпитас. Пёкарня мән павлут ос блыс, Мерова Аксинья Степановна нянь вәрыс.

Хонтлын вәрмаль порат ойкат пуссын хонтлуңкве тотвёсыт. Экват тәрвитуң рўпата колхозт вәрсит. Та порат мўсхал маснут атим блыс, тох та пөлям витыт хўл алыщ-



ласыт. Тувыл агмыл та ёмтэгыт. Экват колтагланыл мағыс вөруй ос алыщласыт.

Хонтлын вәрмаль юипәлт исвещ шаритавес. Исвещ ахвтасыт нёрныл лувыл тотыглавёсыт. Тувыл исвещ ахвтас Хальўсн тотыглавес, тот хўл пиннэ кумыска пәнка вәрвес.

Павлың махмыт нявраманыл яныгмасыт, 1980-ыт тәлыт порат эл ханищтахтуңкве минасыт. Тувыл рўпитаңкве тот та хультсыт. Ань павылт сака мощца мир блы.

Ты потыр Мерова Ангелина хансытэ, Саранпавыл школат ханищтахтын агирищ

О деревне Хурумпауль

Недалеко от села Саранпауль Березовского района есть такая деревня Хурумпауль – это моя малая Родина. В деревне когда-то было много народу.



Дорофеевич. Пекарем работала Мерова Аксинья Степановна.

Во время Великой Отечественной войны почти всех мужчин забрали на фронт. Женщины с детьми выполняли тяжелую работу. Рыбу ловили без специальной одежды, по пояс мокрые, многие сильно болели и даже после войны не смогли восстановить здоровье. В то время многие женщины становились охотниками, чтобы прокормить свои семьи.

После войны жители работали на заготовке известкового камня и его пережигании. Известняк возили с Уральских гор на лошадях. Часть отвозили в Березово, там из нее изготавливали стеклянные банки для рыбных консервов. В восьмидесятые годы жизнь в деревне стала угасать, дети не возвращались в селение. В настоящее время в деревне живут два человека.

Рассказ написала **Мерова Ангелина**, ученица МБОУ «Саранпаульская СОШ»





Султум

Искорка

Яныг анёквам Мёсыг павылт олыс

Пёс порат карыс Сакв я ватат Мёсыг павыл унлыс. Ты ам яныг анёквам Вьюткина (Кугина) Матрёна Тимофеевна – тав блум павлэ. Ты павыл Сакв я хосыт лонхаль олыс. Саранпавылныл тув мус махум сатлов вёрыста минасыт.

Омам потырталыс, ам яныг анёквам Мёсыг павыл Матраг лавыг-лавес, Саранпавыл мус лувыл таккёт яласас, катиянэ ос ампанэ ёт тотыгласанэ. Тав таккёт павылт олыс, нъяврананэ тонт пуссын Саранпавылт

олсыт. Матрёна Тимофеевна такви хул алыш-лас, воряяс. Ойкатэ хонт-лын мат порславес.

Тот ань акв кол туп хультыс, ам ащойкам Вьюткин Савелий Иванович тав колэ. Ащойкам олме палытыл хул ос



вёруй алышлас. «Путь к коммунизму» намба газетат тав урёт хансым олыс. Та нэпакт тәрвитың рупататэ урыл хансым олы, мәнъ тәгыл хумус воряяс, ёмас рупитама мағыс тав «передовой» хумыг лаввес.

Мёсыг павыл ляпат тав воряям матэ ань иң олы. Тув агитэ, ам омам, яласалы. Матрёна Тимофеевна, ам яныг анёквам, кәркам элумхобласыг олыс, пыгён нётыс, тэлы порат аквьёт вёруй алыш-ласыг, тонт махум лув ошцыт, луванэ ўргалалыс, матыр-ати рупата пуссын вёрыс.

Пёс порат ты павыл яныг олыс. 1926 тал порат Мёсыг павыл Саранпавыл нупыл хасвес, тот сав мир олыс, сатхуй-плов кол, онтырсат нупыл онтолов элумхоблас олыс ос китхуйплов ханищтахтын нъяврамыт яныгмасыт.

1940-ыт талытт Мёсыг

павылт Молотов намба колхоз олыс, председателиг Кугин Артём Тимофеевич рупитас. Ты ам яныг анёквам тав ягыпге. Хул ос вёруй алышлас.

Тав ам яныг анёквамн нъяврананэ янмалтаңкве нётыс, та порат яныг анёквам ойкатэ, ам олам, Вьюткин Иван Васильевич, хонтлын мат порславес. Ос яныг ащойкам урыл ам мощ вагум. Тав наме Кугин Тимофей Васильевич, тав онтырсат талэ төвлум порат атимыг ёмтыс.

Туи порат мән колтәг-лув Мёсыг павылн мотор хәпыл ялантәлэв. Тот мән выгыр ос сэмлы сосыг-пил ватэв, няслэв, хул-пыл хул пувёв ос атың исмит пайтэв. Анумн тот сака мұсты!

Ты потыр Зинаида Ванюта хансыстэ, Саранпавыл школат ханищтахтын аги

Межи - деревня моей прабабушки

На высоком берегу вниз по течению реки Ляпин примерно в 70 км от поселка Саранпауль когда-то располагалась старенькая деревня Межи. В этой деревне жила моя прабабушка Вьюткина (Кугина) Матрена Тимофеевна.



Дата ее рождения неизвестна. В паспорте написано, что она родилась 14 января 1909 года. В архивных документах значится другая дата рождения 25 ноября 1900 года (или 1912 года). Умерла 16 октября 1987 года. Она была замужем за Вьюткиным Иваном Васильевичем. Его призвали на Великую Отечественную войну в июне 1942 года, пропал без вести в июне 1944 года. Прабабушка осталась одна с четырьмя детьми. Моему дедушке Вьюткину Савелию Ивановичу (5. 10. 1941 г.р.) было тогда 9 месяцев. Во время войны прабабушка, как и все, работала для фронта. Работали все по артелям. Наравне с мужчинами женщины рыбачили, охотились, заготавливали рыбу, мясо, выделывали шкуры оленей, пушнину, шили одежду для фронта.

Из воспоминаний моей мамы: моя бабушка

Межи-Матра, так мы её звали, ездила на лошади до села Саранпауль за продуктами и в гости к детям. И всегда возила с собой кошек и собак. В деревне жила одна. Сама заготавливала дрова, сено для лошади, ловила рыбу.

В настоящее время в деревне осталась одна избушка, а именно избушка моего деда Вьюткина Савелия Ивановича. Мой дед всю свою жизнь посвятил тради-



СУЛТУМ

Искорка

ционному промыслу – охоте. В газете «Путь к коммунизму» № 122 от 23 октября 1984 года есть статья о его биографии и нелегком труде, о том, что он с ранних лет начал охотиться и в дальнейшем стал передовым охотником – промысловиком, ежегодно перевыполнял план по сдаче пушнины. Охотугодьё его находится возле деревни Межи. Пока позволяло здоровье, моя прабабушка Матрена Тимофеевна помогала ему, ездила вместе с ним на зимнюю охоту, ухаживала за лошадьми, держала тепло в избушке.

Но были и времена, когда деревня Межи была большой. Так в 1926 году в Административном отделении Тобольского округа Уральской области числится населенный пункт юрты Межи Саранпаульского сельского Совета Березовского района, в котором 17 дворов, количество жителей – 89 человек. А еще имеются данные

о списке малолетних подростков школьного возраста (т.е. дети от 8 до 14 лет) Саран – Паульской волости 1921 года из юрт Межинских в количестве 12 человек.

В 1940-х годах в деревне Межи существовал колхоз имени Молотова. Это зафиксировано в архивных данных: в Протоколе собрания межинских колхозников № 28 от 22 октября 1940 года, председателем собрания значится Кугин Артем Тимофеевич. Это родной брат моей прабабушки Матрены Тимофеевны. Артем Тимофеевич после Великой Отечественной войны долгое время проживал в деревне Межи. Охотился и ловил рыбу. Помогал моей прабабушке растить четверых детей, так как мой прадед Вьюткин Иван Васильевич погиб в Великой Отечественной войне.

Также сохранились данные о моем прапрадеде Кугине Тимофее Васильевиче, который проживал там и умер в 1940 году в возрасте 84 года в деревне Межи.

В нашу деревню мы ездим каждое лето. Я собираю там вкусную смородину, ловлю на удочку больших окуней и варим вкусную уху. Мне нравится находиться в нашей избушке. Там всегда тишина и покой.

Зинаида Ванюта,
ученица МБОУ
«Саранпаульской СОШ»



Султум

Искорка

Кульпас няврамыт ўщлахтэгыт

«Лүймә сэрипос» газетав 12 ос 13 номерагет мән Кульпас павыл няврамыт урыл хансыгласүв, хумус тән ўщлахтэгыт, маныр вәрёгыт. Ань та павыл няврамыт потраныл элаль ловиньтэн.

Вова Гындышев



– Ам 9 талум төвлыс, 4 классын минэгум. Школат сав пумыщ урок олы – математика, мәнщи ос руцлэтың хаництэв, физкультура урокт хайтыгтэв.

Атям наме Николай, омам Дарья. Апщерищ оньщэгум, наме Андрей. Молты порат мән Тюмень ўсн ялсүв.

Кульпас павлум сака эруптылум, тав нётнэ ос сыстам мат ўнлы. Тыт «Найотыр ма» нампа музей олы, тув мән акваг ялантэв, пёс махманув урыл савсыр пумыщ потрыт хўнтлэв.

– Мне 9 лет, перешёл в 4 класс. Мне нравится учить мансийский и русский языки, люблю уроки физкультуры, математики.

Папу моего зовут Николай, маму Дарья. Есть у меня брат, зовут Андрей. Прошлым летом мы с мамой ездили в Тюмень.

Я люблю свой посёлок, здесь много зелени, цветов, воздух чистый. У нас в Сосьве есть музей «Найотыр ма», мы туда часто ходим, слушаем интересные рассказы.

Хорошо отдыхать в Сосьве

В № 12 и 13 газеты «Лүймә сэрипос» мы писали о детях из посёлка Сосьва, как они отдыхают, чем занимаются. В этом номере мы также познакомим вас с ребятами из Сосьвы. Вот что они рассказали:

Соня, Олеся и Надя Вадичуповы



Ты хурит Кимкьясүй павыл хўрум ягәгит пёслым олэгыт – Соня 11 тәл, 5 класс астрлас, Олеся 9 тәл, ты порат 3 классын мины, Надя садикняланты, таквсы 1 классын мины.

Яныг увщияныл Соня тох потыртас: «Омав наме Анна. Мән йгрищ оньщёв, наме Варя, тав иң мән. Таве мән эруптылүв, тыттылүв, ёнгалтылүв.

Ты тәл ам Кульпас павылт хаництахтасум, интернатит олсум. Ам технология ос физкультура урокыг эруптыягум. Матьёмас каникулыт пора ёхтыс, ань татем ўщлахтэв. Омав ёт Саранпавылн мүйлуңкве ялсүв, тот ёнгын магыс пумыщ кан олы. Тыт Кульпаст ос Нәтала ақув олы, тав палтэ ёхтысүв.

На этой фотографии три сестры из Кимкьясуя – Соне 11 лет, окончила 5 класс, Олесе 9 лет, перешла в 3 класс, Надя посещает детский садик, осенью пойдёт в 1 класс.

Старшая из девочек Соня рассказала: «Нашу маму зовут Анна. Есть у нас самая младшая сестрёнка, Варя, она у нас ещё совсем маленькая.

В этом году я здесь в Сосьвинской школе училась, жила в интернате. Мне нравятся уроки технологии и физкультуры. Наконец-то наступили каникулы, теперь мы с радостью отдыхаем. Мы с мамой ездили в Саранпауль, а в Сосьве живёт наша тётя Наташа.

Марта, Лёша и Артём Кугины

– Ам намум Марта, 12 тәлум тәвлыс, 6 класс әстласум. Школат литература, руц латың ос физкультура урокыт эруптыяnum. Ювле хулытум тәлт мәнщи латың ат ханищтасүв.

Омам наме Наташа, атям Олег. Мән палтүв «Лүймә сэрипос» газета ёхталы, омав ос атяв ловиньтытән. Төванакт мән Кимкясүй пәвылн ялантэв, тот омав самын патыс, яныгмас. Та пәвылт Вова сасгум ос Анна ньюм өлэг.

Ам ягыг ос әпщииг өнщөгум – Ваня 15 тәлэ, Лёша 8 ос Артём 7 тәлэ. Ваня 9 класс әстлас. Лёша таквсы 3 классын мины, ам тавён ханищтахтуңкве нётэгум, кәтыл хурит пөслын урок ос математика сака эруптыяге. Артём әпщим ты тәл 1 классын мины, букват мощ вәганэ, 10 мус ловиньтаңкве хәсы.

– Меня зовут Марта, мне 12 лет, я окончила 6 класс. Люблю уроки литературы, русского языка и физкультуры. Мансийский язык в этом году не изучали, надеюсь в будущем году он будет.

Мою маму зовут Наталья, папу Олег. К нам домой носят мансийскую газету «Луима сэрипос», папа с мамой читают её. Мы часто ездим в Кимкясуй, к тете Ане и дяде Вова, там выросла наша мама. Мне нравится там бывать, играю с младшими братиками.

У меня три брата – старшему Ване 15 лет, Лёше 8 лет, Артёму 7 лет. Ваня 9 классов окончил. Лёша в 3 класс перешёл, я ему помогаю учиться, читаю сказки. Ему нравятся уроки рисования и математики. Артём осенью пойдёт в 1 класс. Он знает буквы, умеет считать до 10.



Султум

Искорка



Костя и Антон Толстых

– Ам намум Костя, лүпта этпост 17 тәлум тәвлыс. Ты ос әпщиришум, наме Антон, 4 тәлэ, садикын яланты. Омамён наме Лена, атямён Саша.

Таквсы ам 10 классын ханищтахтуңкве минэгум. Школат алгебра, геометрия, география ос физкультура урокыт эруптыяnum.

Мән төванакт Лөпмус пәвылн ялантэв, омагум-атягум тувыл өлэг, щәщквсам ос анёквгаум-ащ-ойкагум өс тот яныгмасыт. Анёквсам атятэ Роман Павлович Ромбандеев Хөслөхныл өлыс, Домна анёквсам тот самын патыс. Хунь колхозыт аквантүлвёсыт, тән Лөпмусн вәнтлысыт.

– Меня зовут Костя, в июне мне исполнилось 17 лет. А это мой братик Антон, ему 4 года, посещает детский сад. Маму нашу зовут Лена, папу Саша.

Осенью пойду в 10 класс. В школе мои любимые уроки – это алгебра, геометрия, география и физкультура.

Мы иногда ездим в Ломбовож, там родились наши родители, бабушка и дедушка. Наш прадед Роман Павлович Ромбандеев был родом из деревни Хошлог. Там родилась и наша бабушка Домна, мамина мама. Когда стали объединять колхозы, вся семья переехала в Ломбовож.



Няврамыт потраныл **Светлана РОМБАНДЕЕВА** хассанэ

Хөталныл постын най вәри

Хальүс район
Няхщамвөль
павылт постын хөталныл
ёр винэ найпос вәрнэ
станция рүпиты, руш
ләтңыл «солнечный
электростанцияг» ләваве.

Тамле ищхыпың ут хосат тәгыл тот рүпиты ман ати, сәв найпос вәри ман ати, ты урыл ос мөт вәрмалит урыл Няхщамвөль павыл найпос вәрнэ станция кұщай хум Олег Рочев китыгласлүв.

– Олег Сергеевич, хоты пораныл ты ищхыпың ут Няхщамвөль павылт рүпиты?

– Найпос вәрнэ станция 2018 тәлт тәлы порат павыл ляпат өлнэ өвил яңкылмат үнттуңкве өвилтавес ос 2019 тәлт яныгпөль этпосныл рүпитаңкве патыс. Төнт Ханты-Мансийск үсныл «Юграэнерго» нампа организацият рүпитан мәхум өхталасыт, тән өвлэт хөт метра палыт кертурпат мән рәтсаныл.

Ос ты юи-пәлт кёрыт тармыл яныг солнечный батареят вәрсаныл. Таи ёмас, ты утыт ёт мән нәматыр ат вәрёв, туи нас витыл ловтыянув, тәлы түйт хот-хилэв. Воссыг нәматыр вәруңкве сака ат эри. Тән акв щирыл вәрвёсыт, хөтал юи-пәлт ат ёңхёгыт.

– Тәл сыс сәв найпос тән вәрёгыт?

– Найпос винэ батареят яныгпөль этпост, яңк нәтнэ этпост ос лүпта этпост постын хөталыл сәвнув ёр выгыт. Төнт дизельный электростанцият сака ат рүпитэгыт.



Хөталныл рүпитан тыяныт батарея капаит ты вәрвёсыт

Ойттур этпост ос вөртур этпост хөтал өс ёмащакв кос посты, тувыл ты порат станция мощчанув ёр выг. Ханты-Мансийск үсныл ёхталам хөтпат ләвсыт, ты порат батареят сака исыглавет, тымәгсыл хөталныл сәвнув ёр виңкве ат вөрмёгыт.

– Павлың мир найпос мәгсыл мощчанув олтуйтуңкве патсыт?

– Мәхманүв акваг китыглахтэгыт: «Манрыг ман найпос мәгсыл олтуйтэв, хөталув олт тәл посты?» Мән ювле ләвёв: «Хөталув олт тәл кос посты, тувыл ты ищхыпың ут мәгсыл сәв олт ойтвес. Олныт ювле миңкве ань өс эри».

2018 тәлт тамле найпос вәрнэ утыт ёвтнэ ос үнттын мәгсыл сәт млн. солкөви округ мирколныл холтвес. «Юграэнерго» рүпитан хөтпат өвлэт ләвыгласыт, сәт тәл сыс ты олныт ювле ёхтэгыт, ань ләвёгыт, 14 тәл тах эрмыглы. Мән өлнэ мәвт хөтал тәлы порат щар мощца посты, рёг

ат мыг. Тымәгсыл, улпыл, холтым олтаныл сәв тәл ювле атуңкве патыяныл.

Хөталныл ёр винэ батареят лов тәл ёмащакв рүпитаңкве тах патэгыт. Тувыл кәсың тәлныл мощчанув найпос тах выгыт. Ань акв щёс сыс ты утыт 60 киловатт мыгыт, лов тәл ювле хульты, мощчанув миңкве патэгыт.

– Няхщамвөль павылт тамле ищхыпың станция манрыг үнттувёс?

– Хөталныл ёр винэ батареят коньпал ат дизельный электростанцият пәвлувт рүпитэгыт. Тән рүпитанэныл мәгсыл акваг сәв солярка эри. Няхщамвөль мусмәшинал яласан ёмас лёңх атим, найпос станция рүпитан мәгсылэрнэ сәвитсолярка тыг тотуңкве сака тәрвитуң.

Витув өс мән, наиңхәпыт тыг өс ат ёхталэгыт, тымәгсыл тамле ищхыпың утыл вәрвёсүв. Хөталныл ёр винэ батареят хунь рүпитаңкве өвилтахтасыт, кұщайт

ләвсыт, соляркал мощчанув тотуңкве тах патавёв. Тувыл пәвлув яныг ёмты, ты тәл мән ныврамыт мәгсыл иильпи кол рүпитаңкве өвилтахтас. Ты яныг кол-капай сака сәв найпос выг, тымәгсыл солярка ань сәвнув холтэв.

Няхщамвөль павылт найпос вәрнэ станция «Юграэнерго» нампа организация пәлныл вәрвёс. Тот ань онтололов хөтпа рүпиты. Тән пуссын ты ищхыпың ут ёт рүпитэгыт ос кәсың колн найпос вос олы, ёмащакв уральтыяныл, тәлы түйт хот-хилэгыт, туи хот-ловтыяныл.

Мән округувт постын хөталныл ёр винэ тамле станцият Хөнтаң ос Хальүс районуыгт рүпитэгыт. Аква - Никулинка павылт, китыт - Шугур павылт ос хурмит станция Няхщамвөльт вәрвёс.

Людмила ТЕТКИНА

Кимкъясүйт өлнэ мир мәгсыл ёмас ляххал

Ойттур этпос өвылтахтам порат Хальүс район Кимкъясүй павылт сотовый связь вәрвес. Тот өлнэ мэхум «Мегафон» щирыл свонитаңкв ань вөрмёгыт.

Хальүс район миркол кұшай хум Павел Артеев ты вәрмалы урыл лавыс:

– Кимкъясүй павылт мэхум «IT-стойбище» нампа тэла щирыл связил вәрвёсыт. Ты проект хосыт ань информациионный технология департаментыт рүпитан мэхум пунктотэгыт, тән округ янытыл яласэгыт ос вёрт өлнэ сосса мэхум мәгсыл ты ищхыпың утыт вәрёгыт.

Кимкъясүйт ань яныгсәткөм элумхөлас өлэгыт. Тот өлнэ мир ань мөт

үсыт манос павлыт өлнэ рүтаныл ёт потыртаңкв вөрмёгыт. Павылквет мән школа ос няврам ургалан кол, ләпка, пүльница, нәй харыгган кол рүпитэгыт. Рүпата тәл өлнэ хум хөтпат пуссын хул алыщлэгыт, вөраёгыт.

Мән павылквет өлнэ мэхум тамле ищхыпың ут ань өс сака эри. Ты ут хосыт нявраманыл ань хаништахтуңкв, мэхум тәнки «Госуслуги» нампа лөпсыт савсыр заявление ос мөт эрнэ нэпакыт



Кимкъясүй павыл

хансуңкв вөрмёгыт.

«IT-стойбище» нампа тэла мән өлнэ мавт 2019 тәл пәсныл рүпиты. Ты вәрмалы хосыт вёрт ос мән павылквет өлнэ щёмьят интернетыл ос сотовый связил вәравет.

Ты проект щирыл

хүрум арыгкөм тәл сыс округувт 49 «IT-стойбище» вәрвёсыт, ань 2 сөтыра 950 элумхөлас свонитаңкв ос ищхыпың утыл рүпитаңкв вөрмёгыт.

Людмила ТЕТКИНА

Макеевка үсныл ёхтум няврамыт урыл



Та этпост мән округувн Ханты-Мансийск үсн Донецкий Народный Республика Макеевка үсныл няврамыт ўшлахтаңкв ос пусмалтахтуңкв ёхтысыт. Тән мәгсыланыл савсыр пүмыщ программат щёпитавёсыт.

Ўсувт өлнэ «Төрүм Маа» музейн өс ялсыт. Тот рүпитан нә Дарья Кунина тән мәгсыланыл сосса мир пёс йис накыт

урыл потыртас, хумус мэхманув вөраёсыт ос хул алыщласыт.

Хөнтлан мәныл ёхтум няврамаквет ёмщакв

хүнтласыт ос аква китыглахтасыт, сосса мэхманув ёрнколт хумус өлэгыт. Вөраян лөх урыл тәнанылн сака пүмщи хүнтлуңкв ос сунсуңкв өлыс.

Ёмыгган лөңх хосыт савсыр алыщлапыт вәрим өлэгыт, экскурсовод тәнанылн такталас, хумыс пёс порат мэхманув мансын, тұлмах, сөвыр ос савсыр вөрүит алыщласыт. Няврамыт тэлы колн өс щалтсасыт, тот маснут, тәнэ-айнэ аныт, мән няврам апа сунсыгласыт. Дарья Борисовна кәсың пормас урыл тәнанылн потыртас. Музейт квәлгыл вәрим лөңх «Каснэ мә» нам өньщи, няврамыт тот квәлгыт хосыт апырыңщ ёмсыт.

Яңк нәтнэ этпост округ кұшай нә Наталья Комарова Макеевка үсн

ялыс, тав ос Макеевка үс кұшай хум (ДНР) Владислав Ключаров ёт савсыр тәлат урыл потыртасыг, «Лето в Югре» нампа аква проект мәгыс кәсащим кәтпос пинсыг.

Округувт ты няврамыт пусмалтахтын ос ўшлахтын мәгыс тотвёсыт. Тувыл 7-14 тәл яныт 300 няврамыт ёхтысыт. Төват ащтәл-щәнәтәл хультыс, төват ос сака нусаг өлэгыт манос ащаныл армият хөнтлэгыт.

Няврамыт мирн нөтнэ колт ос лагерит тыт ўшлахтуңкв патэгыт. Вөртур этпос өвылтахтам порат тән Советский районт өлнэ «Окуневские зори» ос Кондинский районт «Юбилейный» нампа няврамыт ўшлахтын мән тотвёсыт.

Оксана АЛБИНА

Омав ёмас хөтпаг өлыс



Азово павылт ханищтахтам агиришит, 1951 тал

Омам Татьяна Николаевна Енова сүкыр этпост 1936 талт Шурышкарский район Землянка павылт самын патыс. Ты ханты павылт сосса махум Макол павлыг лавияныл.

Ащөйкам Николай Васильевич Шульгин 1905 талт самын патыс, воряян, хул алышлан хум өлыс. Таве хөнтлын ман тотым урыл омам тох потырталыс: «1942 талт лүпта этпост павлувн хаштэл махум ёхтысыт, военный маснутыл өлсыт. Тән халанылт кит ханты хумыг. Насати хум хөтпат армиян вөвавет. Атам хөтыл апа палт минас, мань агитэ анигласэ, тувыл лавыс: «Ятил нявраматем, аман хунь яныгмёгын?» Ман нуплув өс ёмас улум лавыс, налваль нупыл молямлым та ёмыс».

Төнт хөнтлын ман ащөйкам апшитэ өс минас – Роман Васильевич Шульгин, 1917 талт самын патыс. Тән сас тот хөт патсыг, юв ат та ёхтысыг.

Омам колтагланылт щар яныг өлыс. 1943 талт таквсы порат тав анёк-вавн маньхөпыл Азов павылт школа-интернатын ханищтахтуңкве тотвес.

Омам лавыглас, та

тәрвитың талыт порат мощца няврам ханищтахтасыт. Торың маснут ат өцсыт, тәнүт өс сака хунь өлыс, сыманыл этгалавёсыт, алпияныл пөлиглавёсыт. Няврамыт оманыл ос павылт өлнэ яныгхөтпат пуссын колхозт рүпитасыт, фронт магыс тәнүт ос рёгың маснут щөпитасыт, атсыт.

1951 талт омам сят класс асталас, Салехард үст өлнэ хул комбинат фабрично-заводской училищан хул пирмайтан тэлан ханищтахтуңкве минас. Тав потырталыс, 1953 талт тән палтаныл овыл ёмтум латың ёхтыс – Иосиф Виссарионович Сталин атимыг ёмтыс. Тән учителяныл ос воспитателяныл ёт пуссын лүщсыт.

Ханищтахтын маныл астуме юи-палт, омам такви яныгмам павлэн рүпитаңкве кётвес, ййв плашкоуты хул пирмай-тас. Карвожи туи ос тэлы павлыгт ханты махум ло-

виньтаңкве ос хансуңкве ат хәссыт, хул алышлан ос воряян махум пуссын безграмотныг өлсыт.

Омам тананыл букват хансуңкве ханищтасанэ, сакати катпос пинуңкве вос хәсэгыт. Руц ос ханты латың толмашлаңкве нётыс.

Омагум-аत्याгум лов няврам янмалтасыг – Владимир, Елизавета, Павел, Раиса, Александр, Вениамин, Ирина, Ростислав, Алла ос Вероника. Тән государство магыс хул алышласыг, юн уйхул өцсыг - сят лув, нила поснэ мис.

тагыл сав рүпитасыг, нявраманэн ялмалтасанэн, агм нупыл хартэг. Тувыл уц та колыңыг ёмтсүв.

Омам тох лавсас: «Ам өлупсам тәрвитың тёпыл өлыс, ос Төрүм Ащувн ам хөса өлуңкве лавсувёсум. Атам хөнтлын ман тотвес, иң маньлатыг тот та патыс, ам улпыл таимәгыс ань тыхөтал мус өлэгум. Нән атян өс сака хөса ат өлыс, тав фронт магыс сав рүпитас, хул алышлас, воряяс, нявраманэ янмалтасанэ». 2021 талт өйттур этпост омам атимыг ёмтыс.

Ман омам – Татьяна Николаевна Енова (Шульгина) Президиум Верховный Совет СССР павылт




В.Е. Енов омагэ ёт пөслым өлы

Тэнти уйхуланэн ос рыбоучасток магыс пум вәрсыг. Төнт касың колтагыл план щирыл рүпитасыт, плананыл товартасаныл те, янытлавёсыт, оллөмтыл майлувёсыт.

1988 талт Азов павылт омагум-аत्याгум өлнэ колыл майвесыг. Акв пыгөн та порат армият лусытас, тот тав яныг кўщаён заявление-нэпак хансыс, омаге-аत्याге ань тыхөтал мус өлнэ кол ат өнщөг, мань-

«Медаль материнства» I, II степени нампа пөсыл, «Материнская слава» III степени орденыл ос «Дети войны» пөсыл майлувес. Сав рүпитама магыстамле почётный намыл лавсувес: Ветеран труда Ямало-Ненецкого автономного округа ос Ветеран труда Российской Федерации.

Владимир Енов потре маньши латңыг Светлана РОМБАНДЕЕВА толмашластэ



Ю. Боженко вәрүм хури

Төрүм нонхаль сәйкалы

Түяг, туй, таквсы хөталыт,
Аквхурипа хөтал хунь постыглы.
Кәсың хөтал сәвсыр хурил
Нуми Төрүм нонхаль сәйкалы.

Товөрт татем раквацлалыгы,
Товөрт татем вотацлалы,
Кон-квалуңкв шар ат вөрмөгын,
Ёлаль ёри сән холыт сөсхаты.

Тувыл ракве ёлаль пөйтыгпи,
Хөталакве самаге пүнсыгты.
Лүпта, пуме тымус төслапты.
Ос нюлыйив я ұлтта тұщтыгпи.

Сәкв вөт регкве татем ханслы.
Вильтын, аквтуп, вотгашлантим.
Ракве хотталы нупыл та нуяве,
Вөтын тулыт ёт та тотаве.

Төрүм атырхари сам пөсыл
Вөре, витэ, аквтуп, сунсыглы
Сыстам, мάλтып вөт рёгакве ёт
Исум рёге ёлаль тарталы.

Ұйрищаквет луйгалтахтэгыт,
Сәвсыр турсуин та патэгыт.
Тән ос хөталаквен щәгтащлым
Эла-юв та исгашлалэгыт.

Мария ДВИНЯНИНОВА

Хумус Эква мөңкв ойкаг нывлысаге

Акв пәвылквет Экваг-ойкаг ныврамың тагыл олсыг. Ныврамыт кәсың эт апрамтахтасыт. Щәняныл тыкос ләви:

– Ныврамаквет этииг ёмтыс,
мори ул каён, ул апрамтахтэн. Эти
ос матарын тах ёхтавөн.

Ныврамыт ат хұнтлэгыт, кәсың
эт та апрамтахтэгыт. Акв хөтал
ойкатэ яныг пыге ёт вөрн вора-
яңкве минасыг. Экватэ мән
ныврамыт ёт юн таккёт хультыс.
Аквматэрт этипалаг хотыют ави
рәтуңкве патыс. Эква нывраманэ
нупыл ләви:

– Ты кос ләвсасум, ул апрамтах-
тэн, ань ты ёхтувесүв.

Ныврамыт пөрина ёлы-пәлн
түйтсанэ, ави пәлыг-пүнсыстэ,
тот кит мөңкв ойкаг люлөг. Эква мөңкв
ойкаг пасан вәтан тәпьялаңкве
вөвсаге. Такви хұл мәгсыл кон-
квалыс. Кон олнэтэ сыс ты хал
күтюванэ кәри. Тувыл хұл юв тұлыс.
Мөңкв ойкаг матыр хұл юн олыс,
пуссын юв-тәсанэн ос ләвөг:

– Мөн иң тәңкве таңхимён.

Эква ләви:

– Сар ләцал, ам кон-квалсэгум,
нөвыль тұлэгум.

Кон олнэтэ сыс ты хал ос күтю-
ванэ кәри. Тувыл нөвыль тұлыс.
Мөңкв ойкаг нөвыль пуссын юв-
тәстэн, ләвөг:

– Мөн иң тәңкве таңхимён.

Эква кон-квалыс, солвалың хұл
таңыртан ахвтасыт юв тұлсанэ ос
ләви:

– Нэн пәквсам мощ пурён, ам
вөрн ялэгум, нэн мәгсылын тәнүт
тотэгум.



Ты хурит Анна Владимировна
Тасманова пөслым олы, 1980-ыт тәлыт

Эква кон-кваләпас, сунын
тәлматас, күтюванэ та тахасыт.
Вөрн ойкатэ ос пыге палт ёхтыс,
ләви:

– Молях минэв юв, кит мөңкв
ойкаг ёхтысыг, пуссын тәнүтыт юв-
тәсанэн, иң тәнүт вөвөг. Нывраман-
мөн пөрина ёлы-пәлн түйтсанум,
молях минэв, матыр люль ул вос
ёмты.

Ойка пыгөнтыл сунын тәлмат-
сыг, ампыт нывлым ювле та мин-
мыгтасыг. Мөңкв ойкаг ахвтас
такос пурөг, пуңканэн шар пулиг-
сакватасанэн. Акв мөңкв ойка
күтюв хорт хұнтамлас, кон-квалыс,
аңкватас, кит хум хөтпаг писалиң
тагыл ювыг. Мөңкв ойкаг хот-рох-
тысыг, туп ави рөхсаталыс, вөрн та
тахасыг. Та юи-пәлт ныврамыт вос-
сыг ат апрамтахтасыт. Таимәгыс
ләваве, эти мори капыртаңкве ат
рөви.

**Няхшамвөль пәвылт
блум нэ Анна Владимировна
Тасманова мөйтэ
Николай МЕРОВ
нәпаkn хансыстэ**

Лүймә сәрипос
(Северная заря)

№ 15 (1273), 11.08.2022

Соучредители

Дума, Правительство
ХМАО – Югры

Издатель

Департамент общественных,
внешних связей и
молодежной политики
ХМАО – Югры

Редакция

Директор, гл. редактор –
Динисламова С.С.
Телефон (3467) 33-36-82

Заместитель директора –
Кондина Г.Р.
Телефон (3467) 33-22-72

Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52

Е-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул. Маяковского, д. 14.

Индексы 04399, 54399

Тираж 1710 экз.

Заказ 2777

Цена свободная

Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.

Свидетельство
о регистрации
ПИ №ТУ 72-00795
от 23 января 2013 г.

12+

Вөрт яныгмам мәнълат нэ



Фаина Комтина



Турлөпсыг

Ханты нэ Фаина Комтина Сургутский район Русскиная павылт А.П. Ядрошников нампа музейт рүпиты. Тав мәнъци газетав мэгсыл такви рупататэ, блупсатэ ос рүтанэ урыл потыртас.

– Ам Русскиная павылт өвлэт соссa мэхум культура колт рүпитасум. 2019 талт ты кол павлувт өлнэ музей эт аквантотвесыг, рүпитам колув отделыг вәрвес. Ань мән нелолов ханты хөтпа ты отдел рүпитэв.

Тот мән няврамыт мэгсыл савсыр ханищтапыт, суссылтапыт, ялпың хөталыт вәрыглэв. Ты тал павлың агирищитпыгрищит Уринэква хөтал ос Ворщик хөтал янытлаңкве вөвыгласанүв. Сургутский район янытыл өлнэ няврамыт туи Русскиная павылт ущлахтэгыт.

Тан музейн өс өхталэгыт, мән ханты мэхум пёс блупсав урыл тананылн потыртэв, ёнгилыл ёнгылтыянүв, соссa мирыт щирыл касуңкве ханищтыянүв.

Павлувт пёс йис вәрмалит ванэ ханты хөтпа сав олы. Ты мэхум ёт мән өс рүпитэв, савсыр пёс йис вәрмалит урыл потыртаңкве музейн вөвыгылянүв. Туяг ханищтап вәрыгласүв, тонт ханты нэ Альбина Григорьевна Русскиная сәлы сов хумус тынтлаңкве эри, мәнавн суссылтас. Сәлы сөв ёт рүпитаңкве мән ань мэхум мәнки ханищтэв.

Округувт савсыр ханищтапыт вәтихал вәрыглавет, тув өс вөвыглавёв. Туяг ам Ханты-Мансийск үсн «Торум Маа» музей ялсум. Тот мәнщтыр нэкет турлөпсыт, пальсакыт хартуңкве акван-атхатыгласыт. Ам нэкет ёт ханты ләтныл ләвнэ «рок» юнтсум. Пёс порат тамлеут Тромаган мят өлнэ хантыт өщсыт. Мэхум нуй тармыл савсыр пөхлапыт

юнтсыт, тамле турлөпс өс нётнэг сусхаты.

Ам рүпитаңкве хунь өвылтаптасум, тонт ты турлөпс урыл савсыр нэпакытыт ловиньтасум. Ханты учёный нэ Татьяна Александровна Молданова такви нэпакёт ты урыл өс сав хансыс.

Павлувт өлнэ яныгпала нэ хөтпат «рок» хумус юнтуңкве өс китыгласанүв. Анна Романовна Комтина, Альбина Антоновна Сопочина ос мөт хөтпат ты турлөпс урыл сав потыртасыт. Ань музейт рүпитан ханты нэт тамле турлөпс юнтуңкве өс хәсэгыт, ос савсыр ялпың хөталн масыгыляныл.

Ам амки вөрт яныгмасум, омагум-ятягум сәлы үрим өлсёг. Омам хосат атимыг ёмтыс, тонт ам хөт тәлум төвлыс. Атяв мәнавн таккёт янмалтасанэ. Тав мөлты тал атимыг ёмтыс.

Ам нила каңк ос акв увщи өньщөгум. Тан пуссын щёмьяң тәгыл вөрт сәлы үрим өлэгыт. Каңканум мавөй нөхвинэ компаният вахта щирыл рүпитэгыт. Рүтанум соглашение-нэпак щирыл нефтяникыт пәлыл олныл ойтает. Сургутский район янытыл «Сургутнефтегаз» ос Лукойл» мавөй нөх-

винэ компанияг рүпитэг, тыт өлнэ хантыт пуссын тамле нэпак ань өньщөгыт ос олныл мивет.

Яныгмам мәм мус Русскиная павылныл 120 вөрыста палыт миннэ лёңхе олы. Мән машинал тув ялантәлэв ос 6 вөрыста ләгылыл ёмёв. Атям өлнэ мав такви нупылэ хансыгластэ, ань каңканум ос увщим нупыл хасвёсыт. Тан пуссын акв пөхыт өлэгыт. Туп ам Русскиная павылн өлуңкве вәнтласум, вөрт өлуңкве ань сака ат кәсәщөгум. Рүтанум ос павылн вәнтлаңкве щар ат таңхөгыт.

Фаина нарсьюхыл сәңквилтаңкве ёмашакв хәсы. Таве сәңквилтаңкве Зоя Павловна Никоненко ханищтастэ. Ты нэ сав тал Русскиная павылт өлнэ соссa мэхум культура кол кұщаиг олыс. Фаина Ханты-Мансийск үст Творчество колт нарсьюхыл сәңквилтаңкве өс ханищтахтас. Эргуңкве, йквуңкве ханты нэ өс сака хәсы. Тав Русскиная павылт мөт ханты нэт ёт «Вонт нэ» ансамблит эрги ос йккви. Тан ансамбляныл вәтихал савсыр үсытн, павлытн эргуңкве, йквуңкве ань вөвыглаве.

Людмила ТЕТКИНА